

ДОТАМ

(1) Баат баамас долин, долин. (2) Буңнаңт хъна хы'б обильда. (3) Буң са'ң бат оңон, хы'б қа бат датобақн. (4) Бись уська бат динбесън, сааңна кэйган бинаң билян, хы'бдат таңа саңна булең бат тобақн. (5) Буңна хы'б бат дильден саңна булең бәнән дуб. (6) Буда обаң си бат толаңан. (7) Бу си дугде бат дильден. (8) Дотам баам даинбесъ, хы'бда хый қибасъ даусбильтет, тулиң эла дабутоблей, бо'кдиңа даесоңдақ, хы'б даолдоқ. (9) Хы'бда амаң қоноқс хилаңтесин. (10) Буңна хы'бда иңгий бәнсяң. (11) Дотам баам даольдоқ. (12) Баат бада: «Баамо! (13) Аттасъ қа касънам». (14) Баам аттасъ қа дакайнам. (15) Баат аттасъ добни. (16) Дотам баамдиңа огон. (17) Дотам баам аттасясь дальтетна. (18) Дотам баам кэйга дилунбет, бинда уська динбесъ. (19) Баамдиңа хэна бимний дотам баамди ху'н даинбесъ, мана: «Абаңа марамсанка қэтгетин, амди кэйга адат, ам даесилақ». (20) Баат аятаңабинсаң, аттасясь дотам баамди ху'н диқэй. (21) Баат огон дотам баам бобсе диқэй. (22) Дотам баамди баат дигдоқон. (23) Баат дотам баамди баатдаңа бада: «Атасъ даңон сиэн, қадий у ат илдоқ». (24) Дотэт баат баатасъ хиссыйдиңа огон. (25) Оксьдаңаль сакэтлэң хандо, ты'ндиңа добильда, ул датбияқ, бо'к билбет, ты'н даңқимна. (26) Дотэт баатдаңа бада: «Қибо, кадо, ты'н акс қақан!» (27) Дотэт баат бат колдо, хай бат колдо. (28) Баат ты'н кайнам, ааң ты'н Дотэт баатда эдиңа датбияқ. (29) Дотэт баат бо'к даолдоқ. (30) Баат былда даңқэй. (31) Баат биндада баамасъ дигдақан.